



Bilten Saveza općina i gradova Federacije Bosne i Hercegovine



Godina: XXII

Datum: 24.01.2025.

Broj: 298

ODRŽANA 15. SJEDNICA PREDSJEDNIŠTVA SKUPŠTINE SAVEZA



Sa sjednice Predsjedništva SOGFBIH, Bosanska Krupa, 27.11.2024. godine

USLUGE SAVEZA:

- PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

- FINANSIJSKO SAVJETOVALIŠTE

Halko Basarić, viši saradnik za finansijska
pitanja
halko@sogfbih.ba

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmed.eu
<https://tacso.eu/>
<https://euinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810
savez@sogfbih.ba

Petnaesta sjednica Predsjedništva Skupštine Saveza općina i gradova Federacije Bosne i Hercegovine održana je 27.11.2024. godine u Bosanskoj Krupi.

Članovi Predsjedništva Saveza su ovom prilikom informisani o aktivnostima Saveza vezanim za procese konsultovanja jedinica lokalne samouprave u postupku donošenja određenih zakonskih i podzakonskih propisa a u vezi Prijedloga Zakona o izmjeni Zakona o porezu na promet nekretnina Zeničko-dobojskog kantona, Nacrta Zakona o izmjenama i dopunama Zakona o šumama Unsko-sanskog kantona, kao i o Prijedlogu Uredbe o strateškoj procjeni uticaja strategije, plana ili programa na okoliš i obimu, sadržaju i ocjeni strateške studije koju je Savezu dostavio Federalni zavod za programiranje razvoja.

Istaknuto je da su predstavnici Saveza održali sastanak sa predstavnicima Direkcije za evropske integracije Bosne i Hercegovine na kojem se razgovaralo o mogućnostima uključivanja Saveza u procese pregovora se Evropskom unijom. Predstavnici Direkcije za evropske integracije su bili pozitivni kada je riječ o budućem uključivanju Saveza u procese pregovora nakon što se definiše pregovaračka struktura. Najavljeno je i održavanje sastanka Mreže za EU integracije koji je planiran za naredni mjesec.

Kada je riječ o učešću Saveza u provedbi projekata, prezentirane su aktivnosti na raznim projektima uključujući: Projekat „EU4 energetska tranzicija“, „Regionalna mreža za razvoj kapaciteta za usluge vodosnabdijevanja i odvodnje otpadnih voda na Zapadnom Balkanu - RCDN +“ kao i Projekat „Regionalni program lokalne demokratije na Zapadnom Balkanu (ReLoaD)“.

U izjavi za medije, direktorica Saveza općina i gradova FBiH Vesna Travljanin, kaže kako im je još 2009. godine Ustavni sud FBiH naložio da Savez općina i gradova FBiH i nadležno ministarstvo izrade novi Zakon o šumama. „Nikada taj zakon nije ugledao svjetlo dana. Kantoni odnosno županije su donijele svoje zakone. I onda nam se dešava da tokom poplava šume ne mogu da zadrže bujice. To je jedan od eklatantnih primjera kada lokalni nivo nije konsultovan a ima ih još mnogo npr. Zakon o građenju“, kazala je Travljanin.

Zamjenik predsjedavajućeg Predsjedništva Skupštine SOGFBIH Hamdo Ejubović, navodi kako su mnoga rješenja inicirali nadležnima da im pomognu kako bi jedinice lokalne samouprave što lakše funkcionirale a sve na korist građana. Međutim, na višim nivoima ne nailaze na spremnost da se udovolji njihovim zahtjevima pa je rad Saveza općina i gradova FBiH stalna borba na tom putu.

“Cilj nam je da se obezbijedi rad jedinica lokalne samouprave koje treba da dođu u poziciju da imaju sredstava obzirom da građani skoro 80% svojim potrebama ostvaruju na lokalnu a za kojih se nema dovoljno sredstava”, navodi Ejubović.

Ejubović je ukazao na još uvijek neusvojeni **Zakon o građevinskom zemljištu** oko kojeg se, kako kaže, lome koplja da li općinama i gradovima treba pripasti građevinsko zemljište u državnoj svojini kako je taj zakon propisao ili ne treba. To koče kantoni i Federacija BiH a kome će pripasti ako ne općinama da oni njime raspolažu, kategoričan je Ejubović.

Niz je izazova sa kojima se suočavaju jedinice lokalne samouprave pa tako i Općina Ključ i Grad Bosanska Krupa. **“Današnje diskusije i informacije pokazuju da je dobro biti dio Saveza općina i gradova FBiH te da postoji niz tema u okviru kojih se kroz saradnju s drugim kolegama dolazi do rješenja te lakše pronaći pravac djelovanja prema višim nivoima vlasti”**, istakao je Jasmin Musić, načelnik općine Ključ. “Sve lokalne zajednice dijele iste probleme. Naš najveći problem je nefunkcionisanje institucija Federacije BiH, nedostatak zakona koji uređuju određene oblasti. Prvenstveno mislim na državnu imovinu, građevinsko zemljište koje nemamo”, kazao je Armin Halitović, gradonačelnik Bosanske Krupe.

Predsjedništvo Saveza je usvojilo inicijativu za donošenje Zakona o državnoj imovini koja će biti upućena OHR-u i Vijeću ministara Bosne i Hercegovine. Predsjedništvo je informisano i o sudjelovanju rukovodstva Saveza na sastanku Radne grupe za odnose sa Zapadnim Balkanom Evropskog komiteta regija održanom 15.11.2024. godine u Sarajevu.

ODRŽAN SASTANAK MREŽE EU PRAKTIČARA SAVEZA OPŠTINA I GRADOVA RS I SAVEZA OPĆINA I GRADOVA FBiH U BANJALUCI



Banja Luka je 10. decembra 2024. godine, bila domaćin zajedničkog sastanka mreže EU praktičara Saveza opština i gradova Republike Srpske (SOGRS) i Saveza općina i gradova Federacije Bosne i Hercegovine (SOGFBiH), uz podršku Švedske asocijacije lokalnih vlasti i regiona (SALAR), u sklopu projekta “Jačanje Saveza općina/opština i gradova u BiH”, koji se sprovodi uz podršku Švedske i Švicarske.

Sastanak su otvorili Predrag Pajić (SOGRS), Šejla Hasić (SOGFBiH) i Jasenka Perović (SALAR), koji su istakli važnost regionalne saradnje i koordinacije u procesu evropskih integracija.

Tokom panela, Srđan Cvijetić iz Direkcije za evropske integracije govorio je o trenutnom statusu pregovora BiH sa EU i prioritetima u narednim fazama. Vanja Starovlah, pomoćnica generalne sekretarke Zajednice opština Crne Gore i uposlenica NALAS-a, podijelila je iskustva Crne Gore u pregovorima, posebno naglašavajući mehanizme uključivanja lokalnih vlasti u proces kroz radne grupe i pregovaračke timove.

Svi učesnici su se složili da je uloga lokalnih zajednica ključna za uspjeh evropskih integracija, budući da se čak 70% obaveza u procesu pregovora direktno odnosi na lokalni nivo. Posebno je naglašena potreba za jačanjem kapaciteta lokalnih vlasti i saveza općina i gradova u BiH, kako bi mogli efikasno implementirati EU politike i projekte.

Diskusija je rezultirala preporukama za jačanje uloge lokalnih zajednica u procesu evropskih integracija i potrebi za njihovim aktivnim uključivanjem u radne grupe i pregovaračke procese.

Zaključci sa sastanka će poslužiti kao temelj za dalji rad mreže EU praktičara, s ciljem podrške lokalnim vlastima na putu ka EU.

*Zamjenik
predsjedavajućeg
Predsjedništva Skupštine
SOGFBiH Hamdo
Ejubović, navodi kako su
mnoga rješenja inicirali
nadležnima da im
pomognu kako bi jedinice
lokalne samouprave što
lakše funkcionirale a sve
na korist građana.
Međutim, na višim
nivoima ne nailaze na
spremnost da se udovolji
njihovim zahtjevima pa je
rad Saveza općina i
gradova FBiH stalna
borba na tom putu.*



Swedish Association
of Local Authorities
and Regions



PREDSTAVNICI SAVEZA UČESTVOVALI NA SASTANKU RADNE GRUPE ZA ODNOS SA ZAPADNIM BALKANOM EVROPSKOG KOMITETA REGIJA



Jedinice lokalne samouprave su blokirane u svom radu, ne možemo graditi ceste, ulagati u infrastrukturu. Zakoni su limitirajući dok su jedinice lokalne samouprave mjesto gdje se rješavaju svi problemi", istakao je Mišurić-Ramljak.

Sastanak Radne grupe za odnose sa Zapadnim Balkanom Evropskog komiteta regija, održan je 15.11.2024. godine u prostorijama Parlamentarne skupštine Bosne i Hercegovine. U okviru prve sesije o izazovima lokalnih i regionalnih vlasti BiH u procesu pristupanja EU koja se bavila ulogom lokalnih i regionalnih vlasti u implementaciji EU zakonodavstva, između ostalih, učesnicima se obratio **Mladen Mišurić-Ramljak, predsjednik Predsjedništva Skupštine Saveza općina i gradova Federacije Bosne i Hercegovine**. Na početku obraćanja, Mišurić-Ramljak je kazao kako su jedinice lokalne samouprave nezaobilazne za uključivanje u evropske integracije.

"Zakon o principima lokalne samouprave Federacije Bosne i Hercegovine je na snazi od 2006. godine, u skladu je sa Evropskom poveljom o lokalnoj samoupravi ali još uvijek nije implementiran. Jedinice lokalne samouprave su blokirane u svom radu, ne možemo graditi ceste, ulagati u infrastrukturu. Zakoni su limitirajući dok su jedinice lokalne samouprave mjesto gdje se rješavaju svi problemi", istakao je Mišurić-Ramljak. U nastavku je napravio osvrt na nedavne poplave koje su zahvatile pet jedinica lokalne samouprave.

"Nedavne poplave koje su pohnale Kiseljak, Fojnicu, Konjic, Jablanicu i Kreševu prouzrokovale nenadoknadle štete u budžetima jedinica lokalne samouprave. Pristup sredstvima je neophodan u cilju kvalitetnijeg življenja u Bosni i Hercegovini", pojasnio je Mišurić-Ramljak.

Na sastanku je uslijedila tematska diskusija o ključnim izazovima i prilikama za Bosnu i Hercegovinu u procesu evropskih integracija, gdje se između ostalih, obratio i **načelnik Teočaka Tajib Muminović**, te je istakao da, kada je lokalni nivo vlasti u pitanju, neophodno je na federalni nivo podići Zakon o nerazvijenim općinama.

Tokom druge sesije posvećene boljim uslovima za mlade kroz saradnju među općinama, razgovaralo se o izazovima sa kojima se suočavaju mladi u BiH, uključujući visoku stopu nezaposlenosti i nesklad obrazovanja i tržišta rada a među govornicima se bio **gradonačelnik Goražda Ernest Imamović**.

RADIONICA NA TEMU: DJELOVANJE JEDINICA LOKALNE SAMOUPRAVE U OBLASTI RAVNOPRAVNOSTI SPOLOVA



Radionica: Djelovanje JLS u oblasti ravnopravnosti spolova

U okviru Projekta „EU za socijalnu inkluziju u BiH“, Gender centar Vlade Federacije BiH, u saradnji sa Savezom općina i gradova Federacije BiH organizirao je radionicu na temu „Djelovanje jedinica lokalne samouprave u oblasti ravnopravnosti spolova“. Radionica je održana 9 - 10.12.2024. godina na Igmanu, Hotel Monti.

Na radionici je učestvovalo 32 predstavnika/ca iz JLS koje provode lokalne gender akcione planove i JLS koje planiraju izradu ovih dokumenata. Pregled lokalnih politika za ravnopravnost spolova u FBiH je predstavljen od strane Gender centra Vlade FBiH, na osnovu kojeg se diskutovalo sa kojim izazovima se susreću jedinice lokalne samouprave, kao i na unaprijeđenju.

Dobrih primjera prakse ima i predstavljeni su na ovoj dvodnevnoj radionici.

Na temu „Djelovanje jedinica lokalne samouprave u oblasti ekonomskog osnaživanja žena“ dobre prakse su predstavljene iz Grada Cazina.

Dobre prakse su prezentirane i ispred općina Tešanj i Centar Sarajevo i Grada Tuzla i to na temu: Djelovanje jedinica lokalne samouprave u implementaciji lokalnih gender akcionih planova.

Općina Banovići <https://www.youtube.com/watch?v=7JhCJZ-f-3g> – Selmet Husanović, član Radne grupe za rad Mreže za rodnu ravnopravnost Saveza općina i gradova Federacije BiH.

Općina Tešanj <https://www.youtube.com/watch?v=R5AlRum19c> – Almira Prnjavorac, članica Radne grupe za rad Mreže za rodnu ravnopravnost Saveza općina i gradova FBiH.

Općina Centar <https://www.youtube.com/watch?v=82VMTldghM> – Amra Hašimbegović Vučković, članica Mreže za rodnu ravnopravnost Saveza općina i gradova FBiH.

Grad Tuzla <https://www.youtube.com/watch?v=mwCcd8dliCM> – Marijana Ivaković, članica Mreže za rodnu ravnopravnost Saveza općina i gradova FBiH.

O radu Saveza na cilju SDG 5 i gender komponente Projekta „Jačanje saveza općina/opština i gradova u BiH“ je govorila gender koordinatorica Saveza Mirela Čaušević i konsultantica SALAR-a (Asocijacija lokalnih i regionalnih vlasti Švedske) Selma Zulić.

Projekat „EU za socijalnu inkluziju u BiH“ se realizuje uz podrške Evropske unije u saradnji Ministarstvom za ljudska prava i izbjeglice BiH, Gender centrom Vlade Federacije Bosne i Hercegovine i Gender centrom Vlade RS.



Radionica: Djelovanje JLS u oblasti ravnopravnosti spolova



Radionica: Djelovanje JLS u oblasti ravnopravnosti spolova

LOKALNA SAMOUPRAVA MOŽE DATI ZNAČAJAN DOPRINOS U PREVENCIJI NASILJA U PORODICI I NASILJA NAD ŽENAMA



Iako je lokalni nivo vlasti prepoznat zakonodavnim i strateškim okvirima u oblasti ravnopravnosti spolova, te u oblasti prevencije i odgovora na nasilje u porodici, uposlenici/e lokalnih samouprava dijele mišljenje da uvijek ima prostora za unapređenje i bolji odgovor na ovaj gorući društveni problem. Mreže za ravnopravnost spolova oba saveza

općina/opština i gradova iz BiH nominirale su oblast prevencije nasilja kao prioritetan u njihovom radu, a predstavnici/e općina/opština i gradova imali su priliku da kroz javnu konferenciju čuju primjere iz zajednica iz različitih dijelova BiH – od rada lokalne samouprave na promijeni percepcije javnosti o ulozi žene u društvu, saradnji sa školama, do novčanih izdvajanja za socijalna stanovanja ili sufinansiranje vrtića za djecu iz porodica koje su izložene nasilju.

Među njima je i Opština Višegrad, koja je usvojila Plan saradnje multisektorskog tima opštine i lokalnih medija sa ciljem odgovornog izvještavanja o nasilju nad ženama i nasilju u porodici. Jelena Savović Todorović iz Opštine navodi kako sa novinarima/kama žele biti partneri, te im pružiti podršku kako bi na ispravan način pisali o nasilju i žrtvama.

„Cilj usvajanja ovog dokumenta jeste da pokušamo da novinarskim izvještavanjem skrenemo pažnju na ovaj veliki društveni problem, prije svega, da skrenemo pažnju da je to društveni, a ne problem jednog pojedinca unutar jedne ćelije, odnosno porodice“, navela je ona.

Sredinom 2024. godine savezi općina/opština i gradova oba entiteta formirali su mreže za rodnu ravnopravnost, koje predstavljaju neformalno konsultaciono i savjetodavno tijelo saveza.



„Generalno, napravili smo veliki pomak i za dvije godine broj nasilja u porodici stagnira ili je u blagom opadanju. Možda to nije rezultat ovog našeg rada, ali sigurno ima dosta uticaja“, kaže Hasan Plančić iz Općine Tešanj.

Općina Tešanj je u proteklom periodu intenzivno radila na novom lokalnom gender akcionom planu, a jedna od prioriteta aktivnosti je nastavak rada na prevenciji i odgovoru na nasilje. Prema riječima Hasana Plančića iz Općine Tešanj stopa prijava nasilja u porodici i nasilja nad ženama u ovoj Općini je u blagom opadanju.

„Generalno, napravili smo veliki pomak i za dvije godine broj nasilja u porodici stagnira ili je u blagom opadanju. Možda to nije rezultat ovog našeg rada, ali sigurno ima dosta uticaja“, kaže Plančić.

Grad Tuzla je prvi Gender akcioni plan imala potpisan 2013. godine i od tada, zajedno sa nevladinim organizacijama, godinama rade na svim pitanjima prevencije nasilja i zaštite žrtava. Krenuli su od „svog dvorišta“, pa su rodnu ravnopravnost prvo posložili u gradskim službama.

„Na čelnim pozicijama je 13 žena, što jako mnogo znači za društvo kao što je BiH, da žene budu na pozicijama na kojima mogu odlučivati i to je jako, jako bitno. Mi finansiramo brojne projekte koji se tiču rodne ravnopravnosti, spriječavanje nasilja nad ženama i ekonomskog osnaživanja žena“, navodi Asja Redžić, gender koordinatorica iz Grada Tuzle.

Sredinom 2024. godine savezi općina/opština i gradova oba entiteta formirali su mreže za rodnu ravnopravnost, koje predstavljaju neformalno konsultaciono i savjetodavno tijelo saveza.

Cilj mreža je razmjena i praktična primjena znanja, iskustava i dobrih praksi u radu službenika/ica jedinica lokalne samouprave koji učestvuju u aktivnostima provođenja rodne ravnopravnosti u svojim lokalnim zajednicama i komunikacije sa nadležnim institucijama, nevladinim organizacijama i drugim razvojnim akterima koji djeluju na lokalnom nivou.

Vinka Berjan, predsjednica Mreže za rodnu ravnopravnost Saveza iz Republike Srpske kaže kako su prvi zadaci obje mreže da sagledaju stanje na terenu, te mehanizme prevencije nasilja u porodici.

„Probali smo da problem nasilja u porodici stavimo u lokalnu zajednicu, jer se nasilje dešava u lokalnoj zajednici, da vidimo kojim alatima, mehanizmima možemo i u lokalnoj zajednici doći do prevencije nasilja u porodici“, objašnjava Berjan.

Nina Mujkanović, predsjednica Mreže za ravnopravnost spolova Saveza općina i gradova Federacije BiH ukazala je na potrebu praćenja provedbe relevantnih dokumenata.

„Naravno da jedinice lokalne samouprave jesu potpisale određene strategije i protokole u prevenciji nasilja u porodici i nasilja nad ženama, međutim mi se trebamo zalagati da to ne ostane samo pusto slovo na papiru, nego da zajedno, jedinice lokalne samouprave, vlada i međunarodne organizacije, kao i organizacije civilnog društva uzmu aktivnu ulogu kako bi ohrabrile žene koje imaju problema u porodici da prijave“, kaže Mujkanović.



Sa konferencije Rodno odgovorne lokalne samouprave, Jahorina, 06.11.2024.

samouprava u oblasti prevencije i koordinacije odgovora na nasilje nad ženama. Tematski fokus ove konferencije predložile su članice Mreže za ravnopravnost spolova oba saveza.

Ova aktivnost se sprovodi u sklopu Projekta „Jačanje saveza općina/opština i gradova u Bosni i Hercegovini“ koji implementira Saveza općina i gradova Federacije BiH i Savez opština i gradova Republike Srpske u saradnji sa Asocijacijom lokalnih vlasti i regiona Švedske (SALAR), a uz podršku vlada Švedske i Švicarske.

Nakon ratifikacije Istanbulske konvencije 2019. godine, za razliku od Vlade Federacije BiH, Vlada Republike Srpske izmijenila je Krivični zakon, te u njemu nasilje u porodici okvalifikovala kao krivično djelo. Selma Čabrić, ministrica porodice, omladine i sporta RS objašnjava zašto su to uradili:

„Zato što smo smatrali da je prekršaj preblaga kazna za počinioca. Time smo stavili do znanja počiniocu da ne može proći nekažnjeno, a s druge strane žrtvi dali podršku i da prijavi nasilje i da se to nasilje vidi i prepozna.“

Cilj ove konferencije „Rodno odgovorne lokalne samouprave: Lokalni pristupi i Strategije razvoja u službi prevencije nasilja u porodici i nasilja nad ženama“, koja je održana na Jahorini, 06.11.2024. godine je da ponudi primjere različitih praktičnih modaliteta djelovanja lokalnih

UČEŠĆE PREDSTAVNIKA SOGFBİH NA KONFERENCIJI "JAČANJE LOKALNIH KAPACITETA I REGIONALNE SARADNJE ZA EFIKASNO UPRAVLJANJE MIGRACIJAMA"

Predstavnik Saveza općina i gradova Federacije Bosne i Hercegovine učestvovao je 19.11.2024. godine na Regionalnoj konferenciji pod nazivom "Jačanje lokalnih kapaciteta i regionalne saradnje za efikasno upravljanje migracijama" u sklopu projekta "Društveno učešće ljudi u pokretu i lokalnog stanovništva u zemljama domaćinima Zapadnog Balkana". Konferencija je organizovana od strane Mreže asocijacija lokalnih samouprava Jugoistočne Evrope (NALAS) i Njemačke razvojne agencije (GIZ).

Uvodne riječi na konferenciji su imali Kelmend Zajazi, izvršni direktor NALAS-a i David Oberhuber, direktor GIZ-a za Kosovo i Sjevernu Makedoniju, koji su sumirali rezultate postignute u periodu od 12 mjeseci koliko traje ovaj projekat. Profesorica na Univerzitetu u Istanbulu dr. Gülay Uğur Göksel, profesor Univerziteta u Sarajevu dr.

Eldan Mujanović i profesorica Univerziteta u Beogradu dr. Danica Šantić, govorili su o napretku u koordinaciji u cijelom regionu. Istakli su kako su dobre prakse i razmjena iskustava jedan od najboljih načina kako da se dođe do cilja, a to je sigurnost i stabilan život kako ljudi u pokretu tako i lokalnog stanovništva. Istaknuto je da je Zapadni Balkan većinom tranzit za ljude u pokretu. Ipak, jedan broj njih odluči da ostane živjeti u ovoj regiji. U nastavku diskusije, razgovaralo se o poslovima koji se nude ljudima u pokretu i koji je najbolji način da oni steknu vještine potrebne za rad u određenoj djelatnosti. Konferenciji su prisustvovali predstavnici iz Sjeverne Makedonije, Bosne i Hercegovine, Srbije, Crne Gore, Turske i Španije.



Sa Konferencije, 19.11.2024. Skoplje

SAVEZ POTPISAO UGOVOR O SARADNJI SA VIJEĆEM EVROPE

Direktorica Saveza općina i gradova Federacije Bosne i Hercegovine, Vesna Travljanin, 10. oktobra 2024. godine u Sarajevu, potpisala je ugovor o grantu za podršku uspostavi i razvoju novih struktura i institucionalnog okvira za bolju saradnju i razmjenu informacija sa šeficom Ureda Vijeća Evrope u Sarajevu Bojanom Urumova. Osnovni cilj je izgradnja i jačanje kapaciteta oba saveza radi brže i efikasnije saradnje među lokalnim organima vlasti, a posebno unapređenje razmjene informacija o izazovima i pozitivnim pristupima i praksama.

Koraci koji će biti finansirani ovim grantovima uključuju osnivanje foruma predsjednika lokalnih skupština, te strukturirane sastanke čelnih ljudi i zajedničkih tijela oba saveza zaduženih za finansiranje, postupke javnih nabavki i socijalnu zaštitu. Nadalje, osmišljavanje javne digitalne platforme će stvoriti prostor za kvalitetniju razmjenu informacija na lokalnom nivou, promicanje najboljih praksi, kao i koordinirano djelovanje u vanrednim situacijama.

„Današnje potpisivanje ugovora sa Uredom Vijeća Evrope u Sarajevu je nastavak provedbe aktivnosti na jačanju kapaciteta jedinica lokalne samouprave u BiH i kapaciteta Saveza u procesima lobiranja i zastupanja interesa članica. Radujemo se nastavku i unaprijeđenju dugogodišnje saradnje sa Vijećem Evrope i Savezom opština i gradova Republike Srpske, te doprinosu unaprijeđenja života svih građanki i građana Bosne i Hercegovine“, istakla je direktorica Saveza općina i gradova FBiH Vesna Travljanin.

"Ove inicijative će pomoći lokalnim organima vlasti u oba entiteta da rade efikasnije zajedno kako bi prevazilazili izazove, kroz razmjenu iskustava i promicanje pozitivnih praksi. Sa tješnjom koordinacijom, lokalni organi vlasti će imati veću šansu za uspjeh kada je u pitanju zastupanje njihovih potreba i interesa u komunikaciji sa višim nivoima vlasti. Obim nedavnih poplava i klizišta koji su pogodili nekoliko lokalnih zajednica predstavlja tragičan podsjetnik o neophodnosti bliske koordinacije, bolje pripreme, i brzog djelovanja u vanrednim situacijama kako bi se spriječile ljudske žrtve i uništenje imovine," rekla je Urumova.



Sa potpisivanja Ugovora o grantu

Osnovni cilj je izgradnja i jačanje kapaciteta oba saveza radi brže i efikasnije saradnje među lokalnim organima vlasti, a posebno unapređenje razmjene informacija o izazovima i pozitivnim pristupima i praksama.



Vršilac dužnosti generalnog sekretara Saveza opština i gradova Republike Srpske Branislav Samardžić izjavio je kako današnje potpisivanje ugovora predstavlja nastavak dugogodišnje uspješne saradnje između Saveza i Vijeća Evrope koja datira još od 2005. godine. „Potpisivanje Memoranduma o saradnji koje je ostvareno u 2022. godini postavilo je osnove za potpisivanje prvog grant ugovora, koji će doprinijeti prije svega razvoju demokratskih procesa i aktivnijem uključivanju oba saveza u dalje reforme. Nadamo se uspješnoj realizaciji projekta na zadovoljstvo saveza i jedinica lokalne samouprave u Bosni i Hercegovini,“ dodao je Samardžić.

Danas potpisani ugovori o grantovima predstavljaju nastavak aktivnosti koje provode savezi općina i gradova FBiH i RS u saradnji sa Kongresom lokalnih i regionalnih vlasti Vijeća Evrope, a u okviru Memoranduma o razumijevanju potpisanom u septembru 2022. godine. Namjera je jačanje demokratskih procesa, promicanje ljudskih prava, te poboljšanja lokalne uprave u Bosni i Hercegovini.

ODRŽANI DOGAĐAJI LEARNING KLASTERA U SKLOPU PROJEKTA „REGIONALNA SARADNJE ZA BOLJU SOCIJALNU INKLUZIJU NA LOKALNOM NIVOU“



U Sarajevu su 10. i 11.10.2024. godine i 26.11.2024. godine održani događaji za članice Klastera učenja za dnevne centre i mobilne terenske timove u okviru projekta "Regionalna saradnja za bolju socijalnu inkluziju na lokalnom nivou", koju NALAS realizuje u saradnji sa GIZ-om u ime Federalnog ministarstva za ekonomsku saradnju i razvoj (BMZ).

Klaster učenja je format za izgradnju kapaciteta kojim se samostalno upravlja i koji okuplja praktičare vladinog i nevladinog sektora koji dijele isto radno okruženje kako bi imali koristi od komplementarnog znanja i različitih iskustava kako bi razvili i proširili primenljiva rješenja i uspješne pristupe u relevantnom radnom okruženju koji garantuje ESC prava žena, djece i mladih, osoba sa invaliditetom, manjina i njihovih

ravnopravnih učesča u društvu.

Pored Grada Živinice i Grada Ljubuški koje su pilot općine u Projektu, mogućnost učešća u Klasteru učenja su dobile i općine i gradovi: Bosanska Krupa, Bihać, Kalesija, Travnik, Kladanj i Ilidža.

Klaster učenja kao format za razvoj kapaciteta za međusobnu razmjenu sastoji se od obuke o uslugama u zajednici, tri događaja razmjene znanja, perioda konceptualizacije i perioda primjene.

Prvi jednodnevni događaj razmjene znanja, se odnosio na obuku, te na pokretanje klastera učenja, orijentaciju članova klastera učenja, razmjenu dobrih praksi i iskustava, kao i doprinos razvoju koncepta za osnivanje Dnevnog centra i Mobilnog terenskog tima i uvođenje predloška Akcionog plana.

Razvoj konceptata i njihovih akcionih planova od posebnog je značaja za lokalne samouprave koje treba da razviju inovativne socijalne usluge u okviru svog Dnevnog centra/Mobilnog terenskog tima za djecu sa smetnjama u razvoju.

Drugi događaj imao je za cilj da obezbjedi razmjenu o razvijenim konceptima za implementaciju usluga u zajednici (dnevni centri i mobilni terenski timovi). Resursna osoba će omogućiti prezentaciju konceptata koje su razvili članovi klastera i pružanje povratnih informacija od kolega.

Treći jednodnevni događaj klastera učenja dovešće do razmjene iskustava o primjeni usluga u zajednici, evaluaciji iskustva učenja i identifikaciji potencijalnog puta naprijed.

Klaster učenja kao format za razvoj kapaciteta za međusobnu razmjenu sastoji se od obuke o uslugama u zajednici, tri događaja razmjene znanja, perioda konceptualizacije i perioda primjene.

ReLOaD
Regionalni program lokalne demokratije na Zapadnom Balkanu

ODRŽANA ZAVRŠNA KONFERENCIJA RELOAD2 PROJEKTA U SARAJEVU

Završna konferencija Regionalnog programa lokalne demokratije na Zapadnom Balkanu 2 (ReLOaD2) održana je 11. decembra 2024. godine u Sarajevu u zgradi Ujedinjenih nacija.

Konferencija je bila prilika za predstavljanje rezultata projekta ostvarenih u Bosni i Hercegovini u periodu od 2021. do 2024. godine, uz osvrt ključnih aktera iz partnerskih jedinica lokalne samouprave i organizacija civilnog društva na realizovane aktivnosti.

Događaj je okupio predstavnike 13 partnerskih jedinica lokalne samouprave iz Bosne i Hercegovine, predstavnike organizacija civilnog društva čiji projekti su odabrani za finansiranje u okviru projekta, predstavnike državnih institucija i saveza općina i gradova u Bosni i Hercegovini, kao i predstavnike Partnerskog odbora i Savjetodavne grupe projekta, Evropske unije i UNDP-a.

Značajan fokus konferencije je bio na predstavljanju najboljih praksi u partnerskim jedinicama lokalne samouprave iz dvije oblasti:

- Transparentno finansiranje organizacija civilnog društva u skladu sa principima LOD metodologije i
- Uključivanje građana i organizacija civilnog društva u proces donošenja odluka na lokalnom nivou.



Najbolje prakse predstavljene su kroz panel diskusiju u kojoj su učestvovali načelnici šest općina/gradova koji su zabilježili uspješne rezultate u provedbi projekta, a uvodničaru u panel su bili Vesna Travljanin, direktorica Saveza općina i gradova FBiH i Goran Rakić finansijski savjetnik u Savezu općina i gradova RS.

Kroz rad drugog panela prezentirana je relevantnost ciljeva i rezultata ReLOaD2 projekta iz ugla partnerskih JLS i OCD kroz iznošenje primjera iz prakse koordinatora na projektu iz JLS i predstavnika OCD.

ReLOaD2 je pokazao kako saradnja lokalnih vlasti i OCD-a doprinosi jačanju participativne demokratije i stvaranju boljih uslova za život u zajednicama širom Zapadnog Balkana.

Regionalni program lokalne demokratije na Zapadnom Balkanu 2 (ReLOaD2), finansira [Evropska unija u Bosni i Hercegovini](#), a implementira [UNDP u Bosni i Hercegovini](#).

Najbolje prakse predstavljene su kroz panel diskusiju u kojoj su učestvovali načelnici šest općina/gradova koji su zabilježili uspješne rezultate u provedbi projekta, a uvodničaru u panel su bili Vesna Travljanin, direktorica SOGFBiH i Goran Rakić finansijski savjetnik u SOGRS.

GRADONAČELNICI/NAČELNICI SA PODRUČJA ČETIRI KANTONA PROVELI PROCEDURU PREDLAGANJA KANDIDATA ZA ORGANE I TIJELA SOGFBiH

U organizaciji Saveza općina i gradova Federacije Bosne i Hercegovine, u proteklih mjesec dana održano je nekoliko sastanaka sa gradonačelnicima / načelnicima na kojima su predloženi kandidati za organe i tijela Saveza.

Provođenje procedure predlaganja kandidata za organe i tijela Saveza je aktivnost koja prethodi pripremi Izborne Skupštine Saveza koja je planirana da se održi na proljeće.

Uobičajena praksa predlaganja kandidata za članove u organe i tijela Saveza je putem sastanaka na nivou kantona gdje načelnici/gradonačelnici predlažu predstavnike jedinica lokalne samouprave sa područja svog ili drugih kantona u organe i tijela Saveza općina i gradova Federacije Bosne i Hercegovine. Općine/gradovi sa područja kantona predlažu jedinstvenu i usaglašenu listu za organe i tijela, a konačan izbor se vrši na Izornoj Skupštini Saveza.



Sa sastanka u Orašju, 20.01.2025.

Do sada sastanci za predlaganje kandidata održani su u Bosansko-podrinjskom kantonu Goražde (25.12.2024.), Tuzlanskom kantonu (14.01.2025.), Posavskom kantonu (20.01.2025.) i Kantonu Sarajevo (23.01.2025.), dok je sastanak za Srednjobosanski kanton dogovoren za 28.01.2025. godine.

Tokom narednog mjeseca potrebno je da se održe sastanci i u preostalim kantonima, i to: Zapadnohercegovački, Hercegovačko-neretvanski, Zeničko-dobojski, Zapadnobosanski i Unsko-sanski.



Sa sastanka u Sarajevu, 23.01.2025.



Sa sastanka u Tuzli, 14.01.2025.

REALIZIRANA STUDIJSKA POSJETA TRANZITNIM CENTRIMA U BIHAĆU



Posjeta tranzitnom centru "Borići", Bihać

Savez općina i gradova Federacije Bosne i Hercegovine u saradnji sa Njemačkom razvojnom agencijom (GIZ) i Mrežom asocijacija lokalnih vlasti Jugoistočne Evrope (NALAS) u sklopu projekta "Društveno učešće ljudi u pokretu i lokalnom stanovništvu u zemljama domaćinima Zapadnog Balkana" organizovali su uzvratnu studijsku posjetu Bihaću i tranzitnim centrima Lipa i Borići u periodu od 28-30. oktobra 2024. godine.

Predstavnici općina Hadžići i Ilidža su razmijenili svoja dosadašnja iskustva i dobre prakse sa predstavnicima općina Sjenica, Obrenovac i Šid (Republika Srbija). Posjeti su također prisustvovali Komesarijat za izbjeglice i migracije Republike Srbije i Služba za poslove sa strancima Bosne i Hercegovine.

Gradonačelnik Grada Bihaća Elvedin Sedić je bliže opisao probleme sa kojima se suočavaju migrantski centri i građani Bihaća. Razmjenom zajedničkih iskustava i primjerima dobrih praksi realizovan je cilj studijske posjete.

Ovom prilikom želimo se zahvaliti na ugodnom gostoprimstvu koordinatorima kampova Lipa i Borići kao i gradonačelniku Grada Bihaća gospodinu Elvedinu Sediću.

POZIV OPĆINAMA I GRADOVINA ZA PRIJAVU POHAĐANJA "UVODNE OBUKE" ZA IZABRANE ZVANIČNIKE



Pozivamo jedinice lokalne samouprave koje do sada nisu izvršile prijavu za "Uvodnu obuku izabranih zvaničnika" da u što skorije vrijeme, a najdalje do 7. februara/veljače 2025. godine pošalju pismo interesa za učešće u ovom programu

Savez općina i gradova Federacije Bosne i Hercegovine, u okviru sistema obuke za jedinice lokalne samouprave, izrađuje godišnji okvirni plan obuka izabranih zvaničnika i zaposlenika u jedinicama lokalne samouprave i o tome izvještava svoje članice. Plan obuke se izrađuje u skladu sa strateškim dokumentima i Odlukom o osiguranju finansijske održivosti obuke za zaposlenike i izabrane zvaničnike u jedinicama lokalne samouprave Federacije Bosne i Hercegovine („Službene novine Federacije BiH“, broj 50/14). **Općine i gradovi su krajem prošle godine obaviješteni o planu obuka za 2025. godinu.**

Kako su 6.10.2024. godine održani lokalni izbori, čime je došlo i do značajnih personalnih promjena u sastavima općinskih/gradskih vijeća i na mjestima (grado)načelnika, Savez planira održavanje **Uvodne obuke za sve izabrane vijećnike**, o čemu su JLS također informisane.

Ovom prilikom još jednom pozivamo jedinice lokalne samouprave koje do sada nisu izvršile prijavu za "Uvodnu obuku izabranih zvaničnika" da u što skorije vrijeme, a najdalje do 7. februara/veljače 2025. godine pošalju pismo interesa za učešće u ovom programu, a do kraja februara/veljače 2025. godine kroz ispunjen prijavni obrazac obavijestite Savez koliko učesnika je zainteresovano za pohađanje ove obuke. Učešće u obuci mogu da uzmu i vijećnici kojima ovo nije prvi mandat, (grado)načelnici, zaposlenici u službi vijeća, kao i drugi zaposlenici općine/grada. Prijava učesnika i pohađanje Uvodne obuke se realizira u skladu sa Odlukom o osiguranju finansijske održivosti obuke za zaposlenike i izabrane zvaničnike u jedinicama lokalne samouprave FBiH („Službene novine FBiH“, broj 50/14).

Za JLS u kojima bude prijavljeno manje od 15 učesnika obuka će biti organizirana zajednički za dvije ili više JLS. Za organizaciju *in house* obuke potrebno je najmanje 15 prijavljenih učesnika.

Na linku ispod možete preuzeti pregled sadržaja Uvodne obuke za novoizabrane zvaničnike i obrazac za prijavljivanje zainteresovanih učesnika, kao i prijedlog okvirnih termina za realizaciju obuke. Molimo vas da isti elektronski ispunite i pošaljete nam na dole navedenu e-mail adresu do roka koji je naveden.

Ukoliko imate potrebe za dodatnim informacijama molimo Vas da kontaktirate g-dina Demirović Edina na tel: 033 216 502 ili putem e-maila dino@sogfbih.ba

<https://bit.ly/4h6yDQZ>

SVJETSKI FORUM ZA LOKALNI EKONOMSKI RAZVOJ

Šesto izdanje Svjetskog foruma za lokalni ekonomski razvoj **održaće se od 1.do 4. aprila 2025. godine u Seville, Španija**. Svrha Svjetskog foruma za lokalni ekonomski razvoj (WFLED) je promovisanje pristupa lokalnog ekonomskog razvoja. Forum nastoji unaprijediti političku debatu i ojačati globalna partnerstva kako bi se postigle konkretne akcije na lokalnom, nacionalnom i međunarodnom nivou.

Forum će se fokusirati na teritorijalni pristup, ističući saradnju aktera i instrumenata lokalnog razvoja. Razmatraće se globalni izazovi kao što su digitalna, socijalna i ekonomska tranzicija, socijalna pravda, zapošljavanje, javno-privatna partnerstva i uloga privatnog sektora u lokalnom razvoju. Forum je otvoren za **predstavnike vlada, razvojnih agencija, civilnog društva, nevladinih organizacija, privatnog sektora i stručnjake iz relevantnih oblasti**.

Ciljevi su:

Olakšati dijalog i razmjenu znanja: Omogućiti interakciju između vlada, organizacija, civilnog društva, univerziteta i stručnjaka na temu lokalnog ekonomskog razvoja i dobrih praksi.

Izgraditi modele razvoja sa teritorija: Iskoristiti lokalna iskustva za stvaranje razvojnih modela prilagođenih specifičnim potrebama zajednica.

Ojačati globalni savez za specifične akcije: Uspostaviti savez između vlada i organizacija kako bi se promovisao lokalni ekonomski razvoj i koordinirale konkretne mjere.

Doprinijeti lokalizaciji Agende 2030: Usmjeriti lokalne akcije prema ciljevima Agende 2030 za održivi razvoj.

Promovisati efikasnost lokalnog ekonomskog razvoja: Istaknuti lokalni ekonomski razvoj kao ključ za poboljšanje kvaliteta života i smanjenje nejednakosti.

Doprinijeti globalnoj saradnji u lokalnom ekonomskom razvoju: Ojačati globalnu mrežu aktera i instrumenata lokalnog ekonomskog razvoja.

Sve troškove snose učesnici.

Registrovati se možete na: <https://ledworldforum.org>

JAVNI POZIV ZA JLS ZA UČEŠĆE U PROJEKTU „IZGRADNJA EFIKASNOG I TRANSPARENTNOG SISTEMA JAVNIH FINANSIJA U BIH (BET – PFM)“

Projekat „Izgradnja efikasnog i transparentnog sistema javnih finansija u Bosni i Hercegovini (BET – PFM)“ upućuje poziv jedinicama lokalne samouprave (JLS) u Bosni i Hercegovini (BiH) da se prijave za učešće u njegovoj implementaciji.

Projekat ima za cilj jačanje kapaciteta jedinica lokalne samouprave (JLS) u Bosni i Hercegovini (BiH) za efikasnije i transparentnije upravljanje javnim finansijama, čime se doprinosi unapređenju održivog razvoja, a u skladu s Ciljevima održivog razvoja (SDG) i zahtjevima Evropske unije.


U sklopu ovog javnog poziva JLS će biti na raspolaganju:

- Tehnička podrška pri uspostavljanju sistema za efikasno upravljanje javnom imovinom;
- Podrška u cilju optimiziranja javne potrošnje i povećanja ulaganja u kapitalne investicije, unapređenja interne kontrole te praksi i procedura za zelene i rodno odgovorne javne nabavke.

Kroz ovaj javni poziv će se odabrati do 10 partnerskih JLS.

Prijavu za učešće u projektu sa neophodnom dokumentacijom potrebno je dostaviti isključivo putem online platforme <https://javnipoziv.undp.ba> **do 31. januara 2025. godine do 16:00 časova**. Tekst javnog poziva možete pogledati na sljedećem linku: <https://bit.ly/40mqEHq>

Projekat se implementira u okviru regionalnog projekta „Javne i privatne finansije za razvoj“, koji finansira Ministarstvo finansija Republike Slovačke, a provodi Razvojni program Ujedinjenih nacija (UNDP).



VI WORLD FORUM OF
**LOCAL
ECONOMIC
DEVELOPMENT**
SEVILLE, SP _ 1-4 April 2025



POSJETA BRISELU: JAČANJE ULOGE LOKALNIH VLASTI U PROCESU EU INTEGRACIJA



U periodu od 26. do 28. novembra 2024. godine, delegacija koju su činili predstavnici lokalnih vlasti iz Bosne i Hercegovine, Saveza općina i gradova iz Federacije Bosne i Hercegovine i Republike Srpske posjetila je Brisel u okviru projekta "Jačanje saveza općina i gradova u Bosni i Hercegovini – Faza 2."

Cilj ove studijske posjete je razmjena informacija u svrhu jačanja uloge lokalnih vlasti u procesu EU integracija, uvid u rad institucija EU i asocijacija lokalnih vlasti, razmjena najboljih praksi i lekcija naučenih iz zemalja kandidata i članica EU, kao i istraživanje mogućnosti za uspostavu EU odbora i mreža saveza općina i gradova u BiH.

Program posjete obuhvatao je sastanke sa predstavnicima ključnih institucija i organizacija, uključujući: Ured SALAR International u Briselu; Vijeće evropskih općina i regija (CEMR); Odbor regija (CoR); Evropsku komisiju, Generalni direktorat za susjedstvo i pregovore o proširenju (DG NEAR); Ambasadu Bosne i Hercegovine u Kraljevini Belgiji.

Delegaciju su činile sljedeće osobe: **Halko Basarić** (SOGFBiH, finansije/EU); **Ernest Imamović** (gradonačelnik Goražda, član Predsjedništva Skupštine SOGFBiH); **Srećko Mikulić** (Općina Grude, rukovodilac EU mreže SOGFBiH); **Branislav Mišović** (SOGRS, rukovodilac za regionalnu saradnju i EU integracije); **Ankica Todorović** (Grad Bijeljina, predsjednica Odbora za EU integracije SOGRS); **Bogdan Vicanović** (Grad Gradiška, član Odbora za EU integracije SOGRS); **Jasenska Perović** (viši konsultant, SALAR International); **David Young** (SALAR International, organizator).

Tokom posjete, delegacija je imala priliku razgovarati o ključnim pitanjima vezanim za jačanje lokalne uključenosti u proces EU integracija te predstaviti inicijative saveza općina i gradova iz BiH, poput zajedničkih sastanaka odbora i napretka u saradnji sa Direkcijom za evropske integracije (DEI).

Delegacija je jasno ukazala na izazove za lokalni nivo vlasti u procesu EU integracija, a predstavnici EU institucija su pozitivno reagirali na inicijative saveza općina i gradova, te predstavnika lokalne vlasti.

Takođe, dogovoreno je jačanje lobiranja i saradnje sa EU Delegacijom i ključnim institucijama, uz naglasak na važnost uključivanja lokalnih vlasti u izradu budućih strategija i projekata.

U okviru posjete, 28. novembra održan je seminar o uključivanju lokalnih vlasti u proces integracije u EU. U fokusu su bile Gruzija, Moldavija i Ukrajina, uzimajući u obzir kandidatski status Gruzije i otvaranje pregovora o pristupanju u Moldaviji i Ukrajini. Predstavnici drugih kandidatskih zemalja sa Zapadnog Balkana takođe su prisustvovali seminaru kako bi podijelili svoja iskustva i dobili inspiraciju.

Tokom seminara, postalo je jasno da se stepen angažmana lokalnih vlasti značajno razlikuje između zemalja. Na primjer, neka udruženja lokalnih vlasti su pozvana na sastanke o skringu i uključena u radne grupe za pregovore, dok druga nisu bila uključena. Očekivanje od EU da državne vlade sistematično uključuju lokalni nivo moglo bi pomoći u olakšavanju priprema, izbjegavanju skupih grešaka i jačanju angažmana građana.

Učesnici su istakli nekoliko konkretnih načina za uključivanje lokalnih predstavnika u proces pristupanja, kao što su: Konsultacije o prilagođavanju zakonodavstva pravnom okviru EU (EU acquis); Uključivanje u dijalog na visokom nivou i radne grupe za ključna poglavlja pregovora; Aktivnosti izgradnje kapaciteta; Uključivanje u programiranje i praćenje EU fondova.

Kako zakonodavstvo EU za sljedeći paket pretpristupne pomoći počinje da se oblikuje, udruženja lokalnih vlasti trebaju pojačati napore na zagovaranju kako na državnom tako i na evropskom nivou kako bi osigurali pristup i angažman lokalnih vlasti. Uključivanje lokalnih vlasti ključno je za uspješnu integraciju u EU!

Veliko hvala svim panelistima i učesnicima, te organizatorima SALAR International, PLATFORMA-i i Vijeću evropskih općina i regija (CEMR)!

Delegacija je jasno ukazala na izazove za lokalni nivo vlasti u procesu EU integracija, a predstavnici EU institucija su pozitivno reagirali na inicijative saveza općina i gradova, te predstavnika lokalne vlasti.



NAJAVA OBILJEŽAVANJA DANA OPĆINA / GRADOVA ZA MJESEC FEBRUAR / VELJAČA

08. februar/veljača - Dan Općine Odžak. Tog dana 1996. godine prvi povratnici predvođeni policijskim snagama vraćaju se u svoje domove.



20. februar/veljača - Dan Općine Bužim. Na taj dan 1995. godine Predsjedništvo RBiH je Uredbom sa zakonskom snagom formiralo Općinu Bužim.



21. februar/veljača - Dan Grada Ljubuški. Tog dana 1444. godine napisan je testament bogatog dubrovačkog trgovca Gojslava Orlovića u kojem se spominje dar crkvi u Ljubuškom. Smatra se najstarijim pisanim dokumentom u kojem se spominje naziv Ljubuški (Lubusia), a čuva se u dubrovačkom arhivu.



22. februar/veljača - Dan Općine Jablanica i dan sjećanja na oslobođenje grada u Drugom svjetskom ratu.



22. februar/veljača - Dan Općine Jajce. Datum je ovo prvog pisanog pominjanja grada Jajca 1396. godine u Povelji iz dubrovačkog arhiva.



23. februar/veljača - Dan Općine Velika Kladuša. Ovaj datum je značajan kao sjećanje na prvo oslobođenje Velike Kladuše u Drugom svjetskom ratu kada je uspjela opstati kao slobodan teritorij punih 731 dan.



26. februar/veljača - Dan Grada Bihać. Na taj dan 1260. zabilježen je prvi pisani historijski trag o gradu Bihaću u Povelji ugarsko-hrvatskog kralja Bele IV, kao gradu sagrađenom na Otoku sv. Ladislava, u vlasništvu benediktinske opatije iz Topuskog. Godine 1262. proglašen je slobodnim kraljevskim gradom sa svim pravima što mu je osiguralo samostalni razvoj.



29. februar/veljača - Dan Općine Ilijaš. Na ovaj dan, 1996. godine, na oslobođenu teritoriju općine Ilijaš došlo je do masovnog povratka izbjeglog stanovništva i uspostavljanja civilne vlasti.



Gledajte Savez općina i gradova
Federacije Bosne i Hercegovine na



facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu prosljedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.